

## **UGOVOR**

o pružanju usluga hotelskog smještaja za sudije Ustavnog suda Bosne i Hercegovine u Sarajevu

Zaključen između:

**BOSNA I HERCEGOVINA - USTAVNI SUD BOSNE I HERCEGOVINE**, Sarajevo, Reisa Džemaludina Čauševića 6/III, kojeg zastupa Mirsad Ćeman, predsjednik (u daljem tekstu: **Naručilac usluga**),

i

**EUROPA d.d. HOTEL EUROPE**, Vladislava Skarića br. 5, Sarajevo, koga zastupa Rasim Bajrović, direktor (u daljem tekstu: **Davalac usluga**).

### **Član 1.**

Predmet ovog ugovora je pružanje usluga hotelskog smještaja za potrebe Naručioca usluga, prema definisanim uslovima iz javnog poziva broj SU-08-125-1/18 od 7. marta 2018. godine i prema sadržaju ponude broj 1907/18 od 13. marta 2018. godine sa kojom je Davalac usluga učestvovao u provedenom postupku nabavke i koja je sastavni dio ovog ugovora.

### **Član 2.**

Jedinična cijena smještaja iz člana 1. ovog ugovora sadržana je u ponudi Davaoca usluga i iznosi 131,63 KM bez uračunatog PDV-a odnosno 154,00 KM sa uračunatim PDV-om.

Ukupna cijena za očekivanu količinu od 60 noćenja iznosi 7.897,80 KM bez uračunatog PDV-a odnosno 9.240,00 KM sa uračunatim PDV-om.

U cijenu je uračunato noćenje i doručak. Dodatne naknade su boravišna taksa, osiguranje i prijava po danu po osobi.

### **Član 3.**

Naručilac usluga se obavezuje da će rezervaciju soba izvršiti najkasnije 5 (pet) dana prije predviđenog dolaska gostiju te, u slučaju otkaza, obavjestiti Davaoca usluga najmanje 3 (tri) dana prije predviđenog dolaska gostiju. Najava i otkaz rezervacije vrše se pismenim putem (faksom ili e-mailom).

### **Član 4.**

Naručilac usluga se obavezuje da će izvršiti plaćanje navedenih usluga po prijemu fakture, a nakon korištenja usluge.

Naručilac usluga se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 30 dana po prijemu fakture, fakturu prosljediti na plaćanje Ministarstvu finansija i trezora BiH.

Davalac usluga je saglasan da Naručiocu usluga neće zaračunavati kamate za zakašnjenje prilikom plaćanja preko Trezora, ako je Naručilac usluga u ugovorenom roku predao nalog za plaćanje Trezoru BiH.

#### Član 5.

Ovaj ugovor se zaključuje na period od 12 mjeseci, uz mogućnost jednostranog raskida uz otkazni rok od trideset (30) dana.

#### Član 6.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima u Bosni i Hercegovini.

#### Član 7.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

#### Član 8.

Ovaj ugovor stupa na snagu danom potpisivanja od strane ovlaštenih lica ugovornih strana.

#### Član 9.


Ovaj ugovor je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.

ZA DAVAOCA USLUGA  
Direktor

Rasim Bajrović



ZA NARUČIOCA USLUGA  
Predsjednik  
Mirsad Čeman



Broj: \_\_\_\_\_  
Sarajevo, \_\_\_\_\_

Broj: SU-08-125-9/18  
Sarajevo, 4.4.2018.